



神異典第二十八卷

海神部彙考一

漢

宣帝神爵元年詔以四時祠海 按漢書宣帝本紀不載 按郊祀志宣帝改元神爵制詔太常夫
江海百川之大者也今闕焉無祠其令祠官以禮爲歲事以四時祠江海雒水祈爲天下豐年焉

唐

唐制歲祭四海 按唐書禮樂志五嶽四鎮歲一祭各以五郊迎氣日祭之東海於萊州南海於廣
州西海於同州北海於河南

元宗天寶十載封海神爲王 按唐書元宗本紀不載 按通典天寶十載正月以東海爲廣德王
以南爲廣利王以西海爲廣潤王以北海爲廣澤王

宋

太祖開寶四年以廣南平遣使祀海神 按宋史太祖本紀開寶四年二月廣南平六月遣使祀南

海 按禮志廣南平遣司農少卿李繼芳祭南海除去劉鋹所封僞號及宮名易以一品服又詔嶽
瀆并東海廟各以本縣令兼廟令尉兼廟丞專管祀事

太宗太平興國八年定以四立日祭四海神 按宋史太宗本紀不載 按禮志太平興國八年祕
書監李至言按五郊迎氣之日皆祭逐方嶽鎮海瀆望遵舊禮就迎氣日各祭於所隸之州其後立
春日祀東海於萊州立夏日祀南海於廣州立秋日祀西海河瀆並於河中府西海就河瀆廟望祭
立冬祀北海濟瀆並於孟州北海就濟瀆廟望祭

仁宗康定元年加東海爲淵聖廣德王南海爲洪聖廣利王西海爲通聖廣潤王北海爲沖聖廣澤
王 按宋史仁宗本紀不載 按禮志云云

皇祐五年以儂智高遁益封南海爲洪聖廣利昭順王 按宋史仁宗本紀不載 按禮志云云

徽宗大觀四年加東海封號 按宋史徽宗本紀不載 按禮志東海大觀四年加號助順廣德王

宣和五年特賜南海神女廟號 按宋史徽宗本紀不載 按莆田縣志天后林姓世居莆之湄洲

嶼五代閩王時都巡檢林愿之第六女也母王氏宋太平興國四年三月二十三日妃始生而地變

紫有祥光異香通悟祕法預知休咎事鄉民以病告輒愈長能乘席渡海乘雲游島嶼聞人呼曰神女又曰龍女雍熙四年二月十九日昇化一云景德三年十月初十日也是後常衣朱衣飛翻海上里人祠之雨暘禱應宣和癸卯給事中路允迪使高麗中流震風八舟七溺獨路所乘神降於櫓安流以濟使還奏聞特賜順濟廟號

按杭州府志順濟聖妃本莆田林都巡檢女自幼不室數著

靈異死後祠於莆之聖堆江口白湖宋宣和五年賜順濟廟額

高宗紹興二十九年封南海神女爲夫人

按宋史高宗本紀不載

按使琉球雜錄天妃宋高宗

朝封崇福靈惠昭應夫人

按莆田縣志紹興己卯江口海寇猖獗神駕風一掃而去其年疫神

降於白湖去潮尺許掘坎湧泉飲者輒愈洊封昭應崇福

按紹興二十九年歲次己卯

孝宗乾道五年加封東海神號

按宋史孝宗本紀不載

按禮志乾道五年太常少卿林栗冒國

家駐蹕東南東海南海實在封域之內自渡江以後惟南海王廟歲時降御書祝文加封至八字王爵如東海之神但以萊州隔絕未嘗致祭殊不知通泰明越溫台泉福皆東海分界也紹興中金人入寇李寶以舟師大捷於膠西神之助順爲有功矣且元豐間常建廟於明州定海縣請依南海特

封八字上爵遣官詣明州行禮詔可

按使琉球雜錄天妃宋孝宗朝以助勦溫台寇封靈慈昭

應崇善福利夫人

按莆田縣志乾道己丑都巡檢使姜特立上神默相捕盜功加封善利

淳熙年加封南海神號

按宋史孝宗本紀不載

按八閩通志天妃廟在莆田縣新安里湄洲

嶼上其神卽弘仁普濟天妃淳熙間歲屢灾旱隨禱隨應加封靈惠

光宗紹熙三年封南海神女爲妃

按宋史光宗本紀不載

按使琉球雜錄天妃宋光宗朝以救

旱封靈惠妃

按杭州府志紹興二十六年封靈衛夫人紹熙三年改封顯惠妃

寧宗慶元四年加封靈惠妃曰助順

按宋史寧宗本紀不載

按使琉球雜錄天妃宋寧宗朝以

救濟加封助順

按莆田縣志慶元戊午朝廷調舟師平大奚寇神障以霧此明彼暗寇悉掃除

按杭州府志順濟聖妃慶元四年加助順勅曰古以神女列祀典者若湘水之二妃北阪之陳寶西

宮之女南少嶽之夫人以至丁婦勝姑亦皆廟食夫生不出閨門死乃祀於百世此其義烈有過人

者矣靈惠妃宅於白湖福此閩粵雨暘不愆靡所不應朕惟望舒耀魄其名月妃川祇靜波其名江

妃爾之封爵旣曰妃矣增錫美號被之輪奐崇大褒顯凡以爲民尙體恩以永厥祀

開禧二年加南海神女封號 按宋史寧宗本紀不載 按使琉球雜錄天妃宋寧宗朝以淮甸退

敵屢加顯衛護國助順嘉應英烈妃 按莆田縣志開禧丙寅寇迫淮甸神擁旗幟一戰解圍莆

民艱食朔風彌旬南舟不至神反風不日輻輳海寇入境神爲膠舟悉就擒

按開禧二年歲次丙寅

理宗嘉熙三年加南海神女封號 按宋史理宗本紀不載 按杭州府志順濟聖妃嘉熙三年累

封爲靈惠助順嘉應英烈

淳祐十二年詔海神爲大祀 按宋史理宗本紀淳祐十二年十二月癸亥詔海神爲大祀春秋遣

從臣奉命往祠奉常其條具典禮來上

景定二年累加南海神女封號 按宋史理宗本紀不載 按使琉球雜錄天妃宋理宗朝以濟興

泉饑加封協正又封靈惠助順嘉應慈濟妃尋以錢塘隄成加封善慶既又以顯靈焚寇進顯濟妃

按莆田縣志景定辛酉巨寇泊祠下禱神不允羣肆暴慢醉臥廊廡間神縱火焚之賊駭遁風沙晝

晦各跨淺而敗有司以聞累封助順顯惠英烈協正善慶等號

金

世宗大定四年定以四立日祭四海之神 按金史世宗本紀不載 按禮志大定四年禮官言嶽鎮海瀆當以五郊迎氣日祭之詔依典禮以立春祭東海於萊州立夏望祭南海於廣州立秋望祭西海於河中府立冬望祭北海於孟州其封爵並仍唐宋之舊

元

世祖中統二年冬十月遣道士嘗春代祀東海廣德王廟 按元史世祖本紀云云

至元三年定歲祀海神之制 按元史世祖本紀不載 按祭祀志至元三年夏四月定歲祀嶽鎮海瀆之制正月東嶽鎮海瀆立春日祀東海於萊州界三月南嶽鎮海瀆立夏日遙祭南海於萊州界七月西嶽鎮海瀆立秋日遙祭西海於河中府界十月北嶽鎮海瀆立冬日遙祭北海於登州界祀官以所在守土官爲之

至元十五年加封南海神女爲天妃 按元史世祖本紀至元十五年封泉州神女號護國明著靈惠協正善慶顯濟天妃 按祭祀志凡名山大川忠臣義士在祀典者所在有司主之惟南海女神靈惠夫人至元中以護海運有奇應加封天妃神號積至十字廟曰靈慈直沽平江周涇泉福興化

等處皆有廟

至元二十八年二月詔加四海封號 按元史世祖本紀云云

成宗大德三年加海神封號 按元史成宗本紀大德三年二月壬申加泉州海神曰護國庇民明著天妃浙西鹽官州海神曰靈盛弘祐公

仁宗皇慶 年始歲遣使祭海神天妃 按元史仁宗本紀不載 按祭祀志南海女神靈惠夫人皇慶以來歲遣使齋香徧祭金幡一合銀一錠付平江官漕司及本府官用柔毛酒醴便服行事祝文云維年日月皇帝特遣某官等致祭於護國庇民廣濟福惠明著天妃 按使琉球雜錄天妃仁宗加封廣濟

英宗至治元年五月辛卯海漕糧至直沽遣使祀海神天妃

至治三年二月海漕糧至直沽遣使祀海神天妃 按以上俱元史英宗本紀云云

泰定帝泰定元年以鹽官州海水溢遣使祀海神 按元史泰定帝本紀不載 按續文獻通考云云

古今圖書集成
卷一百一十五
奉定三年秋七月遣使祀海神天妃八月作天妃宮於海津鎮鹽官州大風海溢遣使祭海神

奉定四年秋七月遣使祀海神天妃 按以上俱元史奉定帝本紀云云

致和元年遣使祀海神 按元史奉定帝本紀致和元年春正月甲申遣使祀海神天妃三月甲申遣戶部尙書李家奴往鹽官祀海神仍集議修海岸

文宗天曆二年加海神天妃封號遣使致祭 按元史文宗本紀天曆二年冬十月己亥加封天妃爲護國庇民廣濟福惠明著天妃賜廟額曰靈慈遣使致祭十一月戊午遣使代祀天妃 按使琉球雜錄天妃文宗加封靈感助順福惠徽烈賜額靈慈皆以漕運危險立見顯應故也

順帝至正十四年冬十月甲辰詔加號海神爲輔國護聖庇民廣濟福惠明著天妃 按元史順帝本紀云云

明

太祖洪武五年加海神天妃封號 按閩書洪武初天妃有護海運舟之功五年封孝順純正孚濟

感應聖妃

洪武七年令祭四海之神

按明會典洪武七年令東海山東萊州府祭西海山西蒲州祭南海廣

東廣州府祭北海河南懷慶府祭是年令春秋仲月上旬擇日祭未幾以諸神從祀南郊省春祭

成祖永樂五年建天妃宮於龍江關遣使致祭 按明會典天妃宮在龍江關永樂五年建每歲以

正月十五日三月二十三日遣南京太常寺官祭 按大政紀五年九月戊午建龍江天妃廟成命

太常寺少卿朱輝祭告時太監鄭和使古里敕加諸番國還言神多感應故有是命

永樂七年加海神天妃封號

按使琉球雜錄天妃明成祖封護國庇民妙靈昭應弘仁普濟天妃

按莆田縣志永樂間內官甘泉鄭和有暹羅西洋之役各上靈蹟命修祠宇己丑加封弘仁普濟護

國庇民明著天妃自是遣官致祭歲以爲常

按永樂七年歲次己丑

世宗嘉靖四十三年命祭海神

按名山藏典謨記嘉靖四十三年甲子正月有寇犯蘇東岸石黃

土嶺參將白文智總兵胡鎮游擊黃一元等拒却之賊轉攻山海關亦不克而遁歸值海水暴漲有

陷沒者上歸祐皇穹命祭海神

愍帝崇禎 年封天妃爲碧霞元君

按使琉球雜錄天妃明莊烈帝封天仙聖母青靈普化碧霞

古今圖書集成
元君已又加靜賢普化慈應碧霞元君

皇清

康熙十九年

大清會典凡

天妃康熙十九年議准封爲護國庇民妙靈昭應弘仁普濟天妃遣官獻香帛讀文致祭祭文由翰林院撰擬香帛由太常寺備辦遣禮部司官前往致祭一應禮儀俱照黃河神例行

康熙二十年

按莆縣志康熙二十年舟師南征大捷提督萬正色以妃靈有反風之功聞於

朝

詔封昭靈顯應仁慈天后遣官致祭

海神部彙考二

山海經

禹彊
神圖



海外北經

北方禺彊人面鳥身珥兩青蛇踐兩青蛇

廣注郭曰字元冥水神也莊周曰禺彊立於北極一曰禺

京一本云北方禺彊黑身手足乘兩龍任臣案太公金匱北海神名元冥越絕云元冥治北方白
辨佐之五嶽真形圖云北海神名帳餘里又名禺彊

禹馮神圖



大荒東經

東海之渚中有神人面鳥身珥兩黃蛇踐兩黃蛇名曰禺獠黃帝生禺獠禺獠生禺京禺京處北海
禺獠處東海是惟海神

獠一本
作號

注

珥以蛇貫耳禺京卽禺彊也

不廷胡

余神圖



大荒南經

南海渚中有神人面珥兩青蛇踐兩赤蛇曰不廷胡余有神名曰因因乎南方曰因乎夸風曰乎民處南極以出入風

注不廷胡余神名因乎乎民亦有二名